

تورک یوردی

تورک اوڤاقلاری مرکز هبیتتی طرفندره نشر اولونور

جلد ۴

تشرین اول ۱۹۲۶

نومرو ۲۲

صوفیانه - توره کی

« قیزیلباشه میدانی » [*]

« صوفیان، صوفی، آنادولی علویلری ایچنده نرم « قیزیلباش » دیدیکمز زمره در. شاه اسماعیل صفوی به نسبتله « صفویه » دیمه مک ایچین قبول ایدلمشدر. بناء علیه اون ایکی امامجی اولان « صوفیان » زمره لری، حقیقتده بو اسم ایچون یکی برشی یامش دکلردر. بالوم سلطانک بکتاشیلره آچدینی اون ایکی امام میداننده نهقادار اون ایکی امامجیلق وارسه صوفیاندده اوقادار وار دینله بیلیر. حتی اوقادار که : قیرشهرده حاجی بکتاش اوجاغنده کی تشکیلات صوفیان میدانلرنده ده همان همان عینیدر. [شکل ۱،۲]

حاجی بکتاش اوجاغنک میدان تشکیلاتی، معماریسندده بیله، « سکز امام » رمزینی و « اوجاق-توره » وضعی عیناً محافظه ایدر. صوفیان میدانلرنده کی وضع ایسه رمزی دکل حقیقی « توره جی » حالنده دائمدر.

مثلاً (پیر آوی) نك « کیلار آوی » میداننه باقیکز : (نومرو-۱)
بالا آخره ایضاح ایدیله جک اولان بو نومرولردن صوکره برده حاجی بکتاش میدان اوینک طاووانه باقیکز. (شکل، ۳)


بو ولایتنامه نك توصیه سنه کوره یاپیلمش بر اثردر. سکز طبقه سمایی تنظیر ایدن ویا سکز امامه اضافه اولونه بیلن بر رمزدر. فقط ولایتنامه نك :
قبه سین محکم یاپوب برک ایلیه * اوستنی اما سکز ترک [**] ایلیه
اول امام هشتمینک عشقنه * قبه بنیاد ایدوب شاه عشنه

[*] ترجمه واقتناس حق محفوظلدر.

[**] تهرک اوقونور. دیلیم، جبهه، وجه دیمکدر. بر مخروطک (وجه) لری برر

(تهوک) در.

شکل ۱ - بکتابی میدانک وضعی




- بکتابی میدانک وضعی
- ۱ - اوجاق
 - ۲ - نور دائم [چراغ علی]
 - ۳ - مقام ارشاد [بابا پوستی]
 - ۴ - میدان چراغی [دوردلی اوچ صیره اوچی]
 - ۵ - بالوم پوستی
 - ۶ - حوض کوثر
 - ۷ - قره پوست
 - ۸ -
 - ۹ - رهبر
 - ۱۰ - آشیک
 - ۱۱ - خلفا و محبان [اون ایکی امام پوستلری]
 - ۱۲ - کوزجی

تصویرندن آکلاشیلدیغنه کوره بو سکز طبقه [امام هشتمینک] عشقنه (سکز) در. فصل که حاجی بکتابش تربه سنک قبه سی ده (سکز و جهلی) بر غروط قائم اولدیغی حالده یاننده کی مجدد طریقت (بالوم سلطان) ک تربه سی (۱۲) و جهلی (غروط قائمدر).

ینه بایزید ولی طرفندن وینه قابلوچه معماری « یانقو مادیان » معماری سیله یاییلان


قونیہ ده جلال الدین رومی قبه سی ایسه (۱۸) ترک در. مولوی رمزی ده (حق) ک
 عدد ابجدیسی اولان (۱۸) رقمی در. ۱۸ چراغ، ۱۸ قطب کبی
 دیمک، طریق تارک ده کندی خصوصیت معنویه لرینه کوره برز رمز معماریی
 وارد در. ناصل که (ماصونلق) کبی بعضی کیزی جمعیت ویا مذهب لارک خصوصی
 اشارات ورموزی بولونویور.

شکل ۲ - صوفیان میداننک وضعی



- | | |
|--------------------------|--------------------------------------|
| ۶ - حوض کوثر | صوفیان میداننک وضعی |
| ۷ - قره پوست | ۱ - اوجاق |
| ۸ - ساق لر | ۲ - نور دائم [چراغ علی] |
| ۹ - رهبر | ۳ - مقام ارشاد [دده پوستی] |
| ۱۰ - آشیک | ۴ - [یوی، بعضاً اوچ چراغ در. دردنجی |
| ۱۱ - تاجلی، صاچلی باجیلر | و یا سکرنجیسی چراغ علی تشکیل ایدر |
| ۱۲ - کوزجی | ۵ - ... |

تورک‌لرک بو معین شکل و عددلی « ارکان » بیل باغلامه‌لرنده کی حکمت‌نهدر؟
 ایشته بزى علاقه‌دار ایدن آصیل مقصد بودر.
 تورک‌لری، تا، طائوئیزم، ناتوئیزم دورلرندن بری بو، ۳، ۴، ۵، ۷، ۹؛
 ۱۲، ۲۴ عددلریله علاقه‌دار کوروپورز.




شکل ۳ — حاجی بک‌تاشده میدان اوینک طاوان قبه‌سی. سکز طبقه اخشایدن معمولدر.

صاغ — صول، ایلری — کیری، مرکز برر قدسیت مالکدر. اود، اوجاق،
 آشیک، قادین و آ شده، برر شامان قدسیتنی؛ بال و شرابده، قیمیزک رسمی‌ماهیتنی
 کوروپورز. بو وامثالی توره و توره‌جیلکی یاراتان اساسلرک آنادولی قیزیلباش

اور وقلرندہ اصلیتنی محافظہ ایتیمی درکہ ، اونلری « تورک بیلکی » نقطہ نظرندن
اہمیتلی صورتدہ تدقیقہ مجبور اولورز .

بونی افادہ ایدرکن شونی دہ خاطر لامالی کہ آنادولی قیزیلباشلری ہرنہ قادار
(صوفیان) ایسہ لردہ صفوی دکلردر . یعنی شاہ اسماعیلک تأسیس ایتدیکی ویا
اونک اجدادنندن موروث بویله برسورہک و آیین یوقدر . صفویہ حکومتی ، کندی
زمانندہ بو کون دہ ، ایراندہ دوام ایدن مذهب جعفری حالی و (امام غائب) ک
یرینہ حال حاضر دہ کی مجتہدلر کی فضولی و کیلرک مقلدی اولمغی قبول ایتشلردر .
ایرانک علویلکی - مجتہدہ تقلید - ایله سیلیک آراسندہ کی فرق پک آزدور .



شکل ۴

رسمی ایران علویلکی ذی حیات مجتہدہ تقلید عمل ایدر . سنی لک ایسہ ٹولش دورت
مجتہدہ تقلید ایله اجرای عمل ایدر . خصوصات سائرہ تفرعات درکہ سنی مجتہدلری
آراسندہ دہ واردور .

بویله اولمقلہ برابر کرک بکتاشی و کرک صوفیان لردہ (جعفری مذهب) اولمغی
عموماً و رسماً قبول ایتشلردر . ہر بکتاش و ہر صوفیان اقرار ایماندہ اولاً
جعفری مذہبی قبول ایتکہ مجبوردر و بونلرک مجتہدلری دہ بابالرلہ ددہ لردر .

فقط نه بکتابشیلرده نه ده صوفیانده جعفری مذهب معتبر و معمول به دکلدر. بوکی شیلرده برر پرده در. هر ایکی اوجاقده بیلهرک، بیلیمیه رک دوام ایدن صیتی بر دیسیپلین آلتنده یاشایان «توره» بولونویورکه بونی، نه ایران علویلرنده و حتی دیگر ایران علوی تورک عشیرتلرنده ده کورمک ممکن دکلدر.

او حالده آنادولیده کی «صوفیان سوره کنی» بز اوغوز و شامان تورمه جیلکیله افاده ایتمکن باشقه چاره بولامایز. ایران آذربایجانک شمالنده یاشایان تورکمنلرک اکثر خصوصیتلری بزم آنادولی قیزیلباشلرینک خصوصیتلرینی حائز بولونویورسه بوسیلری انجاق اورالرده اکثریتله یکیکچری اوردولری وجلالی قاجینلرینک ایزلرندن و یا خود کندی دده بابالرندن قالان خاطراته مربوطیتده آراملی یز.

* *

آرتق «صوفیان سوره کنی» کوره بیلیرز. بوکا «میدان» ده دیرلر. میدان کورمک بکتابشی و صوفیانده بر اثر «کمال» در. آرالرنده مهم و منازعه لی بر فرق وارد. بکتابشی نک ایکی مرشدی، ایکی تلقینی وارد؛ صوفیانک بر! بکتابشیده مجرد، متأهل اقراری دهیه ایکی اقرار قبول ایدیلشدر؛ صوفیانده ایسه یالکز (متأهل اقراری) وارد.

«مجرد» لك اقراری (بالوم سلطان) ك تجددی در. قولاغه کوبه طاققله دائمی تجردی وعدم تأهلی قبول ایدن ذات بر نوع کشیشلکی قبول ایدیورکی در. ایشته قیزیلباش زمردنك باش دشمنی - اونلرک تعیرنجه - بو صارمصاق قافالی آداملردر. [*] ایرانده ده بکتابشیلره قارشى بر نفرت وارد، سومزلر.

قیزیلباشلر، بکتابشیلر کی مرشدلرینه (بابا) دیمزلر «دده» دیرلر. فقط صولوجه قره اوپو کده اوطوران «استاد اعظمه» بکتابشیلرده «دده بابا» دیرلردی. چونکه او «مقام» «قره پوست» مقامی در. قیزیلباشلرینه (قره پوسته) عرض

[*] بکتابشی لرك باشلرینه کیدیکی سرپوشه «فخر ویا تاج» دیرلردی. فقط حصراً «فخر» بکتابشی سرپوشی در. هر طریقته کندی سرپوشی کندی «تاج» ی در. خاطرده قالسه کرکدرکه بکتابشی سرپوشلری بیاض و اون ایکی دیلیمدر. اونک ایچین صارمصاغه تشبیه اولنش.

عبودیت ایدر لر سه ده مقام صاحبنك «چلبی» اولدیغنه قانعدر لر. چلبی لر ایسه کندیلرینك حاجی بكتاش طورونلری اولدیغنی ادها ایدر لر. فقط حاجی بكتاشك بلا ولد وفات ایتدیكى تاریخاً مثبت در. او حالده بو دوزمه چلبی لر نه یاپارلردی؟
 صوك چلبی یه (جمال الله!) عنوانیله عرض عبودیت ایدیلردی. بو آداملرده مع التأسف کندیلرینی زوالی توركلره (سید) دهیه اینانیدر دیلر. نصل هر قیزیل باش اوپاسنده و کوینده یشیل قافالی بر ویا بر قاچ سید واردی.
 آرتق آنادولی اوپله بر حاله کلمشدی، که هر فقیر تورك کوینده بویشیل باشلردن بر قاچ میقروب همه حال بادهوا کچینردی. و هر قیزیلباش دده سی ده همه حال (امیری) سارینیردی. فقط قیزیلباش دده لرینك بكتاشی بابالری کبی علامت فارقه سی یوقدی. اونلر، علی العاده کندی خلقی کسوه سنده بولونور ویا لکنز احياناً یشیل کینیرلردی.

بكتاشی بابالردن بر فرقی ده بابا براز اوزون صقال براقیر وکله مطروش بولونور. دده لر ایسه براز اوزون صاچ و طوب صاقل براقیرلردی. فقط هرایکی طائفه نك (آغزی مهرلی)، یعنی بیقر قیرپیلمازدی. قیزیلباش دده لرینك بر خصوصیتی داها واردی؛ اونلرک خصوصی اوجاقلری بولونور. یعنی لای علی التعین هر کس دده اولاماز؛ دده اولق ایچون (دده زاده) اولسی مشروطدر. یعنی ارشاده وراشله ایدی. بونك بویله اولسی حاجی بكتاش چاییلرنجه ده مطلوب ایدی. اوجاقلرک ده یکدیگرینه کوره تفوق و رجحانلری بولونوردی. بعضی اوجاقلرک «نفسی» قوتلی و قوتلی اوله بیلیر. اوکا کوره حرمت و اعتباره مظهر اولونور. مثلاً انقره ده (قارا شار) چورومده «دده قارغین» از میرده «نارلی دره»، انطالیه ده (ابدال موسی) ... عینتاب اوجاقلری ... اهمیت مخصوصه یی حائزدی. اسکیشهرده سید غازی، شجاع الدین اوجاقلری ده اهل ایدیلیه جک قادار اهمیتلی در.

(درسم اوجاغی) دیگرلره نسبتله داها رافضی تلقی اولندیغنه و حقیقه درسم اوجاغی «یزیدی» آینه تابع ده اولدیغندن مستقل بر فصل و نوع تشکیل ایدر.

فقط آنادولى قىزىلباشلىرى كرك يزدى، كرك نصيرى و كرك دوزىلىرى ياديرغاماز. اهل سنتدن صكره اك آز سودكلىرى بكتاشىلردر. مع مافيه بر بكتاشى درويشى مستقلاً بر كويه مسافراولسه يابانجى تلقى ايدىلنز. فقط بعضى دده لر خفياً بكتاشيلغه سلوك ايدهر ك ايكي وظيفه يي بردن ياپارلردى. چونكه قىزىلباش كويلرى چوق طويوملى يوردلردر.

صوفيانه ميدانلىرى :

صوفيانده تورلى ميدان آچىلير . ۱- مهمان ميدانى ، ۲ - محبت ميدانى ، ۳- كربلا ميدانى ، ۴ - اش ميدانى ، ۵- دوشكونلك ميدانى .
بز ، يالكز « اش » = مصاحب = ميسر = كچيد « ميدانلىرى دينيلن صوكنجيسندن بحث ايدم جكز . ديكرلىرى عيى شيلردر . مهمان ميدانى ؛ بر مسافر دده وياديكر كويلردن بر قاچ (جان) كليرسه شرفلرينه ياپيلان محبتدر ، يعنى سوره كدر . محبت ميدانى : على العموم جمعه وبازار ايرتسى كيجهلىرى آچيلان بر ميداندر كه ، كويك « اش » لرى طوبلانوب (سورهك) ياپارلر . كربلا ميدانى : محرمده ياپيلان ماتمدر . ديكرلرندن فرقى همان همان صوايچيامز ، رياضت وسكوتله مرنيله راقومقله احيائى ماتم ايدىلير . ساز چالمنز . دوشكونلك ميدانى : بحث مخصوصنده بيان ايديله جك آيرى ومستقلدر .

اوچلر ، يديلىر ، قرقلر ميدانلىرى دهميه اسملر وارسده بونلر مستقل برشى دكل كربلاميدانندن غيرى هر ميدانده « دده » لك كيفته وارزوى عمومى يه كوره اجرا ايدىلن « بر پردهك » آيين = سورهكدر .

*
**

اساسلى ميدان « اش ميدانى » در . يعنى « قىزىلباش صوفى » لغنه قبول مراسمى در .
نصل اولور ؟ بكتاشى وقىزىلباشلر مشتركاً بو آيينه نصيب ميدانى دهمي ويررلر .
قىزىلباشدن كلن هر فرد « اصولاً » مؤمن دوغار . اعتقادلرنجه پا كدر . فقط

کچید کچمی ، چوب آتلامسی ، صودن کچمی [*] « بر درجه یه قادار استعداده
باغلیدر. هرچو جق دوغومندن بری انا بابا تربیه ی ایله بویودیکی ایچون اوینک ،
خلقنک اوصاف فکریه واجتماعیه سیله طبیعی علاقه داردر [**] برده اونک اصل
« صاحب اسرار » اولمسی ده لازمدر . یعنی « مؤمن کامل » اولمق ، « خام ، یاریم »
لقدن قور تولمق ایچون « میدان » کیرمسی شرطدر . بونک ایچون بکتاشیلر ده ده
اولدینی کی بر چوق اوصاف و مزایایه مالک اولمق لازمدر ؛ بو مزایانک خلاصه سی :
آینه ، دیلینه ، بلنه حاکم اولمق !

بوندن صکرده مطلقا متأهل بولونمق . بکتاشیلکده ایسه بو شرط یوقدر .
اک نهایت شو صوک اوچ شرطده اهمیتلیدر !

۱ - میدان ارلرینک اتفاق اراسی [میدان قبول ایچون]

۲ - طالب کندینه « آش » یعنی مصاحب بولمق [بو ، کفیل دیمکدر] یعنی
زمانده قارده شلک .

۳ - میدان خرجنی اوده یه جک اقتدارده بولونمق

بو اوصافک کافه سنی جامع بر فرد آرتق میدان کوره جک ، « صوفی » اولاجقدر .
میدانک رهبری ودیکر « آش » لر طالبی چوقدن طایر لر . اونک تربیه معنویه سیله
علاقه دار اولور لر . سوره کک اسرار انکیز آنات وصفحه لر یله رمزی ومبهم

[*] بو تعبیرلر دقت ایدیکز . « خندق آتلامز ، دوه ، چوب آتلامز ، قویون ..
صودن کچمز اشک » تعبیرلری لسانمزه قالمشدر .

[**] بوندن یکریمی سکزی ییل اول صوغوق چشمه رشده سینه کیدر کلیردم . قدرغه
میداننده بر قطعه نک تعلیمی ساعتلرجه ، اشایدردم . بر کون عجمی بر نفره ضابطی کنیه سنی
اوکره تیوردی . اونباشی ، چاوش کیم ؟ بلوک ضابطی کیم ؟ برسوری سؤال لر . پیغمبرک ،
اللهک کیم ؟ « علی ! » دیمسونی ؟

« اللهم علی ! » دین زوالی نفر او آنده ییلدیریم کبی ایکی طوقات ییدی . ضابط
تکرار ایدیور . عجمی نفر « اللهم علی ! » دیمکدن واز کچمیوردی . زوالی نفر بر آز
طوبجه ایدی ، ملازمی ده یکی . کیم بیلیر عسکر داها قاچ طوقات یدی ، طوردی .

شیمدی خاطر لایورم . شبهه سز بو نفر قیزیلباشدی . زوالی (تقیه) یی بیلیموردی .
کیم بیلیر عجمی افراد ایچنده قیزیلباشک مؤمن اولادی علم حال درسندن نه قادار ثوزولوردی .

افاده لرله طالبلری دائماً تهییج ایتمیشدرلر. اونلری پیشیرمش، میدان «ارن» لرینک «باجی» لرینک «وہ تو» سز رآینی آلمش اشلرده ایکی قربانی حاضرلامش. جمعه کیجه سی میدان آجیله جق.

یکی جانلرک چراغی او یاندیریله جنی بو آقشام، هرکس ممکن اولدینی قادار یکی البسه ستی کیر. ذا کرلرک ائی سسلیسی، سازجیلرک اوسته سی و معذرت مشروعه سی اولمایان اشلرک بولونمسنه دقت ایدلدیکی کبی یاقین کویلردن اوجاقلردن «مهمان اوقونور!» والحاصل سورده درنکنک شانلی، محتشم اولمسنه دقت ایدیلیر. دده نك بویروغی قادار (دم) ایله شکر؛ اون، قهوه طالبک قربانی کفن وقبا [*] بر هفته اول میدان رهبرینه تسلیم ایدیلش در. بو قربانلر بویدی کونده طیشاری چیقماز. آخوردده بسيله نیر. قربانک «ارکک قوچ» اولسی مشروطدر وهیچ بر اعضاسی نقصان ومعلول اولیه جق، جمعه کیجه سی غروب دن صوکره طالبلرک قاردشک انتخاب ایتدیکی صاغدیجی، یعنی: «آشی» اونلری کیدر اوندن آلیر. میدان اوندده، رهبر قارشیلار، طالب و اشلری خصوصی بر اوطیه قویارلر. اوراده اونلره بر غسل آبدستی آلدیرلر. [**] [بالخاصه شرقی آنادولیده وارضروم طرفلرنده] وصوکره بیاض کفن کیدیرلر. کرک آبدست آلیرکن و کرک کفپوش اولورکن هر عضوه مخصوص دعا و قونور. قاری - قوجه نك هر بریسنی رهبر باجی، رهبر دده یوندورر. اشلری ده یاننده در. بونلر، یونوب بیتنجه یه قادار میدانده اجتماع تمام اوله جنی ایچون دده دن اذن دخول آلینیر.

دده اذن ویردیعی، رهبر «طالب» لرک بویونلرینه بیاض بر «لا» بندی کچیرر. [***] طالب قاری وقوجه نك بندلرندن قادینک بندینی ارکک آتش؛ قوجه نك

[*] قبا، بالآخره کوریله جکی اوزره کییلن پشمالسی بر شیدر.

[**] بو آبدست و غسل، جعفری مذهب اصولنده اولور.

[***] بو «لا» بندی لام الف شکلنده کچیریلیر. اصطلاحیسی (تیغ بند) در. آرتق

طالب بوتون معناسیله تسلیم اولمش و کندی «توق» لغتی قبول ایتمش دیمکدر. (لاله ... نك باشی در.

بندی‌ده قادین آش طوتار . طالب‌لرک مصاحب‌لری ئوکده بولونور .

طالب‌لرک بندلرینک برر اوجنی‌ده رهبر طوتار .

طالب قادین صاغده ، طالب ارکک صولده‌در .

رهبر ، هپس‌نک ئوکنده‌در .

طالب قاری - قوجه و مصاحب آش‌لر میدان اشیکنه کلزدن اول طالب‌قادین
صول الیله ، طالب قوجه‌سی‌ده صاغ الیله کندی اشرینک باش پارمق‌لرینی (لا)
شکلنده طوتارلر .

خصوصی اودادن چیقارکن میدان کوزجیلری کلیر . طالب و طالبه‌نک کوزلرینی
باغلار . پاشلری آچیق .. یالین آیاق طالب‌لر و آشر میدان یورورلر .

اشیکه کلدیمی ، رهبر اشیکه نیاز ایدر . « آش » لرده مصاحب‌لرینه اوچر کره
اشیک اوپدورور و اشیکه [*] باصمادن (داره) یعنی میدان آیاق آتارلر . بکتاشی
میدانی بو اشیکه نیازی صولنده بولونان قره پوسته حرمتله تأویل ایدر .
بواننده طالب‌لرک « آش » لری اونلرک صاغ یانلرینه صول آللرینک باش پارمق‌لرینی
(لا) شکلنده طوتاراق طورورلر .

رهبرده ایکی خملوه صاغ ایلریده بولونور . کوزجیلر ، قاپویی قاپار . طیشاری
چیقار . رهبر ، طالب‌لر ، آش‌لر صاغ ایاق‌لرینک باش پارمق‌لرینی صول ایاق‌لرینک
باش پارمق‌لری اوزرینه قویارلر (شکل ۴) وضعیتی حاصل اولور .

رهبر کلبانک چکر :

الله ، ایوالله محمد علی عشقنه ! پیرم حاجی . خنکار دیواننده داره طورمایه
جان کلدی .. ارنلر میداننده اوزی دارده ، کوزی نیازده .

[*] اسکی تورکلرده اشیک چوق مقدسدر . حالاده حقیق تورکلر اشیکه باصمه‌یی فنا
سایارلر . بو ، ظن ایده‌رم ، که مصونیت مساکن تمثالی‌در . قیزیلپاش و بکتاشیلر آیاق‌قاب‌لرینی
اشیکه طوغری چیقاریرلر . مقصد مسافر چیقارکن اشیکه (آرد) و یروب چیقما سین . آیاق
قاب‌لرینی اشیکه متوجهاً کیرکن اونک تا قارشیسینده کی اوجاغه‌ده حرمت و نیازکار بولونسون .
فرضا آیاق قابی چوریلشسه برداها اورایه کله‌من .

ايلى اوغلى [۰] يوله كلدى .. قاينودن قورتولدى .. آق جته كلدى [۰۰]
حق ارنلرك كرچكنه هو ! يوف منكره ! لعنت يزیده ! دير ددهيه نياز ايدر .
جماعت ، هپ بردن : يوف منكره ! لعنت يزیده ! ددهيه باغيرلر .

براز سكوت ، صوكره دده خطاب ايدر :

— اى طالبلر ! نه كورديكز ، نه ياپديكز ؟

طالبلر — ار كوردك ، ميدانه كلدك !

— اى طالب ! چراغه طالبميسكز ؟ [كوزلر باغلى اولدينى ، ياخود چراغ

دائم سرينه مظهر اولق ايچين] دوكديككز وارسه طولدوروك ! اغلاتدېنكز
وارسه كولدوروك ، ييقديفكز وارسه ياپيك .. ارنلر ميدانده حق يولنده سكز .
كلن دونمز ، دوتى كورمز ! هو كرچكه .. لعنت منكره !

جماعت — الله .. ايوالله هو كرچكه ، لعنت منكره !

بوندن صكره طالبلر كنديلرينك اينجيتديكى ، حقوقه تجاوز ايتديكى والحاصل
كوكل قيردينى كيمسه لر وارسه عفولرينى طلب ايدر وكندينه عيفى شكلده تجاوز
ايدنلرى ده عفو ايتديكى سويلر .. حاضر لسه عفو ايتلرينى رجا ، غايلرله استحلال
حق ايده جكنى سوزويرر .

جماعت ايچنده حاضر اولانلر ، الله ايوالله ! بز كچدك ، حق ارنلرده كچسون
ديه حلال حق ايدرلر .

دده — اى طالب ! بوراسى ارنلر ميدانيدر . اى عين جم [عين الجدن مخفف]
مؤمنلرى بوجانلر ، محمد على نك ديوانده اقرار آلاچقلر .. بوجانلردن راضيميسكز ؟
بو آدملى نصل بيليرسكز ؟

جماعت — پيرمز يار اولسون .. حق ديوانندن يوز چوير مسون .. ايبى بيليرزا
قبول عموميدن صكره رهبر ، طالبى ، واشلرى دده حضورينه كوتوروب نياز

[۰] ايل اوغلى = صلبى اولاد . يول اوغلى = طريقتك اولادى . بوراده يوله
كلدى دن مقصد ، طريقته بل باغلامقه كلدى ديمكدر .

[۰۰] آق جنت . پير اونده كى مسجده عنواندر . تورك توره سنده يكي اوليلرك چاديرلرى ده
آق اولق عادتدى . اوغوز شوله نلرنده آق چادير .. قارا چاديرلر واردر .

ایتدیرر . باش پارمقلرینی عمود آیره باصوب اوچ دفعه : الله ، محمد ، علی دیر ،
 براو بدور ورواچ خطوه کری چکیلیر ، دده حضورنده داره دورولور . بودوروشه
 (خمسة آل عبا دیوانی !) دینور . شویله که :

طالب ومصاحبه نك ، طالبه ومصاحبك يكديگرینی طوتدقلری باش پارمقلرینی
 بوسفر رهبر صاغ وصول اللریله طوتار . بوصورتله بش کیشی برآراده طویلانیله .
 بو ، خمسة آل عبانك تمثالی تلقی ایدیلدیکی کبی اوچ آل باش پارمقلری ده (الله ،
 محمد ، علی) رمز لرینی اقامه ایدرمش !

طالبلر تزکیه ایدیلوب بوصوک داره طوروشندن صکره دده ایاغه قالقار .
 جماعتده قالقار . دده ایلک اول طالبه یی و آشنی آلیر ؛ اوجاق کنارنده کی
 چراغ داتم (چراغ علی) ئوکنده یاننده دیز چو کدورور . قولاغنه یاواشجه
 تلقین ایمان ایدر . سویلدیکی سوز شودر :

دده — الیکه ، دیلیکه ، بلیکه درست اولاجفکه سوزمی ؟

طالب — سوز .

دده — یالان سویلر سهك كوزوك چراغی ، تنك اودی سونسونمی ؟

طالب — سونسون .

دده — کرچك دمنه هو ! دیر . رهبر کلیر اولکی کبی طالب و آشنك باش
 پارمقلرندن طوتوب داره طور دورور . صوکره طالب و آشنی عینی وجهله طوتوب
 دده ئوکنه کوتورور . اونلر ده عینی خطاب تکرار ایدیلیر . تکرار ایاغه قالدقدن
 صکره کری ، کری یورویه رك آشیکه کلینیر . اوراده دیز چو کوب اوچ دفعه یر
 اوپولور . صکره آشلر ، طالبلرینك آیاقلرینی آشیکه دکدیرمه دن چیقاریرلر ،
 کوتورورلر .

ایکی اوچ دقیقه صکره رهبر ایچری کیرر . آشیکك برآدیم صاغی کریسنده
 صول یانی آشیکه کلمك اوزره ایاقده بکلر آرقه سنندن کوزجی کلیر . طالبلرده
 قوربانلرینی کتیرر . طالبلر قوربانلرک آیاقلرندن مصاحب آش لرده باشلرندن طوتارلر .
 طالبلر دیز چو که رك قورباننك صول ایاغی یردن کسوب کندی صاغ قولاغنك

خداستندن طوتار . طالبك صاغ ديزى يره عمود وباشى ديزينه دكش وضعيتتدهدر .
 مصاحبلىرى ده قربانك باشى صول قولتوغنك آلتندە صول ديزى يره عمود
 وضعيتتده وباشى ديزى اوستتندەدر . بوآلتى جان [اشيك اوكتندە] بووجهله
 طورطوب اولوب صيقيشير . قوربانلرك كوزلىرى ده طالبلىر كې باغليدر .

كوزجى — ميدان ، على نك .. باسم شاه ! شاهم على ! پيرم حاجى بكتاش
 ولى حق ميدانك قوربانلىرى .. حق ديلر .. هو باسم شاه ! دهيه شدتلى كسكىن
 سسلى بركلبانك چكر .

دده — ارنلر .. قربانلرك حقى ويرك ! دير .

ذا كر ، اون ايكي امام مدحيه سنى اوقويه رق سازىنى چالغە باشلار . مدحيه
 بيتد كدن صكره ذا كر : الله ، الله باسم شاه ! دهيه سازىنى اوپوب يره قور .
 دده — الله ! كبر

جماعت — الله ! كبر ! الله ! كبر !

بوآشاده طالبلىر ، قربانلرك آياقلىرىنى براقوب اوراجقده اللر چاپراست كوكسده
 داره طورور . مصاحبلىر ، ينه ! كيلمش حالدهدر .

دده — حق قبول ايليه .. نعمت لرىنى بيلميانلىرى نامرد ونامراد ايليه .

جماعت — حق قبول ايليه !

ديد كدن صكره ميدانه آشجى كلير وداره طوروب نياز ايلر . دده قوربانلىرى
 كوتورمىنى امر ايدر . كوزجى ايله آشجى قوربانلىرى آلوب كوتورر . بوآشاده
 آشلىر طالبلىرىنك آللرندن طوتوب رهبرى بكلر . رهبر كلوب اونلرى ميدانه چيقارير
 وبشى برصرده ديز چوكوب اوطورور . ميدانه چراغجى قالدقار كلبانك چكر .
 آلندە (دليل) دنيلن انجه بالمومندن قيوريلش برموم جورەكى قىل وادرر . اونى
 كوتوروب اوجاق كئارندەكى چراغ عليدن ياقار و :

» — چراغ اوليا نور السموات بومنزلدن بزه طور مناجات ، چنكم روشن

اولدى ، قىلدى نياز . ويرەلم محمد على يە جانندن صلوات ! ، دير هر كس صلوات
 وسلام اوقور .

چراغی آئنده دلیل ایله [چراغان تختی] نی اویارمغه باشلار . (بکتاشیلرده
۱۲ قیزیلباشلرده ۳ ویایدی موم) بیتدکدن صکره آئنده کی دلیلک علوینی آیله
سوندورور . (علویلرده ثوفله یوب آتش سوندورمک ممنوعدر) ودار نیازه
دوردقندن صکره شونی اوقور :

چوق چراغ اویاندردق حدانک عشقنه . سید الکونین خاتم الانبیانک عشقنه
سباقی کوثر علی المرتضیٰ نک عشقنه . هم خدیجه فاطمه خیرالنسا عشقنه
اون ایکی صدر ولایت پیشوانک عشقنه . چارده معصوم پاک اولیانک عشقنه
پیغمبر خنکار قطب الاولیانک عشقنه . حشره دکناسون یاقیلسون جهانک عشقنه
دده اولان ذات : حق ارنلر خدمتک قبول ایلله ، نورک آرتنه اکیلمیه ! دیر
چراغی یرینه اوطورور .

درحال رهبرقالقار . قادین طالبه چفتنک (لا) حالده طوتولان پارماقلرندن طوتوب
دده نک اوکنه کوتورور . دیز چو کرلر . طالبک آلی اک التنده صوکره طالبک
آشی ، صوکره رهبر ، صوکره دده نک آلی اولمق اوزره دورت آل بربرینک اوستنه
یغلیر وده :

(یدالله فوق ایدیهم...) آیتنی اوقور [اللهمک آلی اونلرک اللرینک اوستندهدر]
صوکره طالبک قوجه سی آشیلله کلیر . اوده بویله یاپار . یرلرینه کیدوب اوطورور .
دده - باسم شاه .. الله الله ! دارودیوانلر قبول اوله . خیرلی مرادلریکنز
حصول بوله کلدیکنز یولدن .. دوردیغکنز داردن خیر وحنسات کورمه سکنز ..
کرچکه هوا ! دیر .

صوکره رهبر ، طالبه و طالی [یعنی قاری وقوجه بی] آیری آیری ، تک-تک
دده نوکنه کوتورور . دده بوسفر ، آیت بیعتی [۱] اوقور و طالبلره : « مذهبک
امام جعفر ، مرشدک محمد ، رهبرک علی . بیلدیکن آریله ، یولکدن دونه . دون
کلز ، کلن دونمز ! پیرک حاجی بکتاش ولی .. » کرچکه هوا ! دیر . طالبک آشی
درحال کوز باغنی چوزره . باسم شاه ! صداسی عیوقه چیقار . کوزی آچیلیر
آچیلماز درحال شربت صونولور .

[۱] اذ یباعیونک تحت الشجرة

بو شربتی دده بالذات کندیس ویرر، دده اولاً کندیس بر یودوم آلیر
وصوکره طالبه احسان ایدر. بو شربت شیمدیلک راقی در.

طالبلره شربت صونولدقندن و کوزلری آچیلدقندن صکره کوچوک برفصل سازباشلار.
اون ایکی امام حقنده بر مدحیه اوقونور. بیتدیمی دده، جماعتده آیاغه قالقار.
دده اوجاغک صاغی اوستنده اوج چیوی اوستنده افقی طوران بر یشیل طوربایی
آلیر ... جماعت: باسم شاه ... باسم شاه ... الله الله باسم شاه! دهمیه فریاد ایدر
طورور.

رهبر طالبلری یوزی اوسقی یره یاتیرر. طالبلرک باشلری اوجاغه ایاقلری
اشیکه دوغری اوزانمشدر. طالبلرک اشلری ده آیاق اوجنه کلیر. ائتکلریله طالبلرک
آیاقلرینی اورترو آیاقلرینک اوستنه دیزچوکر. فقط بوراده تحف بر مبادلده کوردولور.
طالب قادینک یرینه ده اشی اولان ارکک یاتار. بو یرده یاتانلره «کولکه» نصیب
آلانلرک کولکهسی، دینیر. [۱]

دده یشیل غلافدن اوج قاریش اوزونلغنده بر دکنک چیقاریر. بودکنکده
اوج بوغماق واردر. [۲] دده هر بوغماغی بر دفعه «باسم شاه یا الله ... باسم شاه
یا محمد، باسم شاه یا علی!» دهمیه اوپر. ذا کر سازیله باشلار:

حال، ارنلر حالیدر، یول، ارنلر یولیدر.

خافل اولماک صوفیلر، ده کن استاد قولیدر!

دهمیه ترانه ساز اولور. دده: الله، محمد، علی!

سوزلریله یرده یاتانلرک (یاغرین) لری [۳] اوسته اوچر دفعه بودکنکده ده کر
«کولکه» لر اوزرنده بو (چوب = چوکان) آیی بیتدیمی «قالق! یا علی.
باسم شاه!» طالبلر قالقار. «کولکه» لری ده ائتکلرینی «اش» لرینک آیاقلرندن

[۱] شیمدی تام شامانلق باشلايور. یوزی قویون یره یاتمه و آیاقلری (قادین) اتکیله
قایلانمه (دوغوم) تمثالی در.

[۲] شامانلرک، باخشیلرک مقدس دکنکلری ده «اوج بوغماق» لی در.

[۳] یاغرین = اوموز باش. یاغرین قلاق = کورهک.

قالدیرر . [۱] قالقانلر کندی اشلرینک باش پارمقلرینی (لا) شککنده طوتار .
رهبر کلیر ، بو دورت باش پارمنی طوتاراق اصولی خطوه لرله اوچ خطوه کری
آلیر طورور .

دده کلیر . معهود اوچ بوغماقلی دکنه کی [۲] اقیاً بو بش ذاتک باشی اوستنده
طوتار . اوچ دفعه چویرر . صوکره براز کری چکیلیر . بو سفر ، رهبر طالب
باجی چفتنی چکر ، کوتورور ؛ کندیس دده نک جبهه سنه نظراً دکنکک صولنده کی
بوغماقده ، باسم شاه یا علی ، اورته بوغماقده ، باسم شا یا محمد ؛ صاغ بوغماقده ،
باسم شاه یا الله دهیه اوپر و آلتندن کچر . طالب باجی و اشی ده عینی شیئی یاپار .
رهبر بو چفتی ینه باش پارمقلرندن طوتوب اسکی یرینه کوتورور . جماعت ،
بو تقدیس آیینی یاسیلیر کن : « مبارک .. مبارک .. مبارک ... قوطلی نیچه مبارک ! »
دهیه ورد دائمده بولونور .

رهبر ، « طالب جان » ی ده مصاحب اش قادی نیله عینی وضعیته کوتورور
کتیرر .

بر طرفدن ساز وذا کر :

آلتندن کچن صراطی کچدی * صویندن ایچن کوثری ایچدی
دیداری کوردی میدانی کوردی * ارکان الندن کنایه ییچدی

قیصه ، اویناق پسدن بر ادا ایله چالار و سویلر ... جماعت : مبارک ... نقراتی
تکرار ایدر . بو مراسم آرتق طالبلرک ماضیده کی کناهلرینک تمامیه عفو ایدیلدیکنه
دلالت ایدر . اوچاق باشنده یدیکی دکنک ضربه لرینی جهنم عذابی دهیه تفسیر
ایدرلر . بو مراسم ده بیتدکن صوکره دده مقامنه اوطورور و طالبلر دده نک

[۱] (انا - بابا) دن طوغه دهیه (بل اوغلی) دینیر . قادی نلرک اتکلرینک آلتندن
چیقمق (یول اوغلی) اولوق دیمکدر . مرشد اوچ بوغماقلی (چوکان اولیا) ایله اونلری
طریقت میدانه آلدی . اونک ایچین محب دده نک اولادی در . ینه عینی سبيله (بابا - دده)
اولویور . فقط شو دوغوم تقلیدی ده (شامان) لقدن باشقه بر شیئی !

[۲] بو دکنکه تخته جیلر آلاجه دکنک ، آلاجه چوماق دیرلر . صوفیانه ملهه ،
ارکان اولیا ، نیچه چوکان ده دیرلر .

حضورینه کیدوب [باش پارمقلىرىنى عموداً دیزلر حذاسنده چوکهرك] سجده ايدر. ددهنك ايكي ديزلىنى اوپر. صوكره صره ايله [ددهنك صولندن] اعتباراً [مهمان وارسه اولامهمانلرك] اللرىنى اوپر. صوكره ددهنك جبههسندهكى تاجلى وصاجلى باجىلرك اللرىنى اوپر كلير. رهبرىنك الى و «أش» ينك آلتندن وايكى كوزلرندن اوپر. فقط بو اوپوشلر ألك اوستندن دكل «آيا» سندندر. (يوزلى اوجاغه) متوجهاً آياقده (داره) طورورلر.

سوپوروجى (ميدانچى) ايكي (جان) قالقار، داره نياز ايدوب سوپوركه چالار. بيتدكن صوكره طالبلك ارقهسنده سوپوركه لرى قولتوقلرندە اللر چاپراست كوكسلرنده (ديوانه) طورورلر.

دده - باسم شاه .. جار سليمان .. كول اولسون مروان .. شاه كله [۱]
نور چيغه .. هر خدمتلىر حقه يته .. كرچكه هو!

دير. سوپوركه جى اوطورور. ساز باشلار: اوچ دفعه اون ايكي امام مدحيه سى اوقونور. صوكره معراجنامه اوقونور .. بوده بيتدىمى ؛ دده بويورور :
— آل صوبى !

كتيرلر . تميز برلكن ويا قاب ايچنه [اللر قابه صارقيق] ابريقدن ددهنك اللرينه صو دو كولور . اللره صو دو كولور كن بربرينه سورولمز .
بو صودن اولام صوبى كتيرن و دوكن ايچر . محبان :

— عشق اولسون ايچنه .. رحمت اولسون كوچه نه ! يوف منكره . لعنت يزيده يا حسين ! دير كلبانك چكر .

صوبى كتيرن صره ايله هر كسك الله صودوكر . هر كس كندن اول طوبلانان صودن بر يودوم ايچر . [برابر بر قدح طولاشديريلير] هر كس ايچدكه جماعت محبان : عشق اولسون ! ... دهيه نياز ايدر .

صوك پارچه دن اياقده كى بش كيشى [اللرىنى يومادن] ايچر . خدمت بيتدىمى بو (ساقى) لر ديوانه طورور . دده :

— خدمتک قبول اوله .. حق مرادیکی ویره .. ساقی شاه مردان خدمتکدن
راضی اوله .. کوثر شرابک اوله

ساقی ، آتام وظیفه ایتمش اولدیغندن نیاز ایدوب یرینه اوطورور .
آیین مذکوردن مقصد: « ارنلر میدانده » باش اوقودانلر و « سر » آلا نلر
یکدیگرینک کناهرلندن بویله یودوم یودوم ایچمکه مجبور اولدیغنی تلیحدر. «ال کیر» ی
بروبال ایسه بووبال ده « عین جم ارنلری » کافهٔ مسئول و « یکدیگرینه قارشی
ضامندر . (ایکی طالب و کفیل) لری ایسه جله سنک حولهٔ سیئاتی بلا اشتراک
قبوله مجبوردر . اک صوک کلن ، کندنندن اول یوله کلنلره قارشی اعظمی مسئولیتی
درعهده ایدیور دیمکدر .

*
**

موضه کوثر

ساقی لر [برارکک ایکی باجی] اولکی کناهدن طهارت خدمتی کورد کدن
صکره سقا هم ره هم شراباً طهوراً [*] سیرینی میدانه کتیررلر .
بو بوک برحام طاسی شکنده ایچی شراب ویا راقی طولی برقابنی ایکی باجی طوتاراق
اورته یه کتیریر . بواننده درحال ، میدانچی (سوپوروجی) ارنلر (آلفی) [**]
صوفره یی میدانه یایارلر . ساقی باجیلرک یانلرینه برده معاون باجی اوطورور .
ذا کرلرده سازجی ده اونلرک یانلرینه اوطورور . طالب و اشلری آشیک اوکنده
باش اکش حالده بولونور .

معهود آل آرتیق صوده بو (حوض کوثرک) ایچنه دو کولور . ساقی باجیلر

[*] الله اونلوی طاهر شرابه صولادی .

[**] آلفی صوفره . مستطیل شکنده یرینه کوره اوچ درت مترو طولنده قیرمنی
سختیان ویا مشیندن برسفره در . اورته حوض کوثره مخصوص بیاض برداثره کنارلرنده
برصربعک پرصلعنک منتصف نقطه سندن متقابل رأسلرینه اوزادیلان خطلرله اوچ مثلثه آیریلش
کنارلری واردر . بو مثلثلر (اوچ تهرک) ی تمثیل ایدر . بو اوچ تهرک ایسه (تاج آلفی)
دیدکلری (تاج ادهم) در .

برر يودوم آلوب دده يه اعاده ايدر . دده ده بر يودوم آلير .
 (تاجلى باجى) لر عنوانى حائزدر . ايكي ساقى باجى حوضدن بويوكجه (آياغ =
 قدح) ايله شربت آلوب دده يه صونار .

محبان : سقامم يا حسين ! فرياديله جوشار .
 دده ايچدكن صكره ساقيلر آياقده كي چفتلره (مرشد آرتينى) صونار ويرلرينه
 كچر اوطورورلر . معاون باجيلر اولاساز و صكره ذا كره برر (آياغ) صوندقن
 صكره هر برسى صاغلى صوللى تك قدحله (باجيلرى و ارلرى) صولار . بواننده
 ساز و ذا كر ، طاتلى و پرنشته بر بسته ايله :

سقامم شربتقن ايچدم
 شاهمك كوثرين ايچدم
 جان حسين شاه حسين
 جانان حسين شاه حسين !

نغمه سنى ترنم ايدر . هر كس ايچدكجه ده « سقامم يا حسين ! » ديرلر .
 قدح آلينيركن ، صول آل ، اولا كوكسه قونور ، صاغ ال ايله قاباليجه
 بوتون اووچله قدح آلينير و صاغ آلك باش پارماغى قدحه ملاصق اولارق عمود
 طوتولور . صول آل مهرى آچار ، باده نى قاپار . يعنى كوكسندمه كي صول آل
 دورت پارماغى بتيشمك و كوكسه موازى و باش پارمق ده عمود وضعيتده بولونور .
 صاغ ال قدحى آغزه كوتوردىكى وقت اويله بروضعيت حادث اولور كه هرايكي
 آلك باش پارمقلى بر (لا) تشكيل ايدر . قدح بر يودومده ايچيلير . ينه اووچ
 ايچنده و ساقى نك صاغ النك شهادت پارماغيله بر (لا) چيرپارق اعاده اولونور .
 اعاده اولونوركن قدحك كنسارى خفيفجه اوپولهرك ويريلير . صول آل مهرى
 قاپار و كوكسه قونوب باش كسلمكله عرض نياز ايديلير .

بوايلاك دوره « تك له مه » در .

ذا كر و ساز صوصار . ساقى لر اوطورور . « دده ارن » لر قيام ايدر معهود
 « آلاجه دكنك » تكرار موقعندن آلينير .

محبان ، باسم شاه ! دهیه آیاغه قالقار .
 دده اوچ بوغماقلی دکنکی چیقار اراق (حوض کوثره) صوقار، قاریش دیرر .
 اوچلر عشقنه « الله ، محمد ، علی » دهیه اوچ دفعه :
 یدیلر عشقه ، کذا یدی دفعه عینی سوزلری سویلهرک قاریش دیرر . دده
 وهرکس یرینه اوطورور .
 ذا کر :

اوچلر دیدم : الله ؛ محمد ، علی !
 یدیلره بل باغلادم ازلی ؟
 شاه رضانک کمرنده در الی ،
 پیرم خنکار حاجی بکتاش ولی !
 سویلرکن سازده رفاقت ایدر . بوراده ده دقت ایدیلر سه (شاه رضا) (نامن
 ضامن) عنوانی آلان سکزنجی امام رضادر .
 ساقیلر ، علی الاصول اولادده ارن لردن باشلایاراق باده صونار . بوگاده
 « چفته لیمه » دوری دینور .
 ساقیلر هر دفعه ایفای وظیفه به باشلامه دن اول دده حضورنده اولاد کندیلری
 آلیر و صوکره دهیه صونار . یرلرنده اوطوردیمی قدحنی طولدوروب کندی اوکنه
 قور .
 دده ، ینه قالقار . ارکان اولیایی (آلاجه دکنک) آلیر . جماعت قائمادیکلر .
 (۳۹) دفعه حوض کوثری مذکور دکنکه قاریش دیرر و (۴۰) نجی دوره بی
 قاریش دیرمادن دکنکی حوض کوثرک اوزرینه افقیماً وضع ایدوب :
 — الله ، الله باسم شاه ! مقام غائب ، حضور مزده حاضر ، وجود مزده ناظر ،
 کرم اولیا .. الله ، محمد ، علی ! کرچکه هو ! دیر ، آلوب غلافه قور و مقام
 مخصوصنه وضع ایدر . یرینه اوطورور . جماعت ده کذا :
 ساقیلر اوکلرنده کی قدحلری حوض کوثره دوکرلر . تکرار طولدورورلر .
 ذا کر وساز باشلار :

اوچلر ، یدیلر ، قرقلر بریرده
 ارنلر عشقنه هو هو چکرلر
 الله ، محمد ، علی بریرده
 ارنلر عشقنه هو هو چکرلر
 انسانله حیوان ، ایمان بریرده
 ارنلر عشقنه هو هو چکرلر
 ایل ایله یول ایله دیلی بریرده [*]
 ارنلر عشقنه هو هو چکرلر
 کعبه یله حجر شجر بریرده
 ارنلر عشقنه هو هو چکرلر
 قرآنله سبحان یرم بریرده
 ارنلر عشقنه هو هو چکرلر
 عارفله معروف مجذوب بریرده
 ارنلر عشقنه هو هو چکرلر
 دم ایله دوران یزدان بریرده
 ارنلر عشقنه هو هو چکرلر

ده یوب کسر .

بوساز وسوز آراسنده باده لر ؛ اوچله نیر . ساقی ، هر محبه صوندجه محبان :
 هو ارنلر عشقنه ! دیرلر .

ذا کرک ، « ارنلر عشقنه هو هو چکرلر ! » نقراتنک آرقه سندن جماعت محبان
 یک آواز اولاراق « هو هو ! » دیمکه دمکذار اولور .

حوض کوثرده باقی قالان نه وارسه اوزرینه « قرق باده » کلاب دوکولور .
 محباندن هر کس یاننده بولندی بی برشیشه جکه بوصودن « آب شفا » آلیز . بیک بر
 درده دوا در . هر طالب چفت ایچین بونصیب میداتنک خاطره سی الی الابد محفوظ

[*] ایل اوغلی ، یول اوغلی دیمکدر .

قاله جق « ما مقدس » عد اولونور. احفاد وانسانه تبرکاً صاقلامق شعائر واجبه. دندر. آدینه « شاه دامله سی » « اکسیر » دیرلر! حاضر میدان اولمایان اخوانک حصه لری، جوار کویلردن خسته لری اولانلرک نذرلری تفریق اولونور وبوصوک قطره لر توزیع اولونورکن دده و طالبلرک رضاوموافقتی شرطدر.

توزیع اکمال ایدیلنجیه قادار هرکس آیاقده در. تمام اولدیمی، اولاً: دده طالبلرک واشلرک آلتندن وکوزلرندن اوپر. صکره رهبر، صکره میدانجی، آشجی، جماعت محبان صره ایله اویهرک تبریک وتهنیه ایدرلر.

آرتق طالب میدان حقت اری اولمشدر ومراسمده بیتمشدر. بوتون بومراسم بر ایکی ساعت دوام ایده جکدر. بو اثناده قوربانلر کیلیمش لازمکن احضارات اکمال ایدیلش، محبت میداننه حاضرلق باشلار.

میدان تکرار اصول دائره سنده سوپوررلور. آلفی صوفره نک اوزرینه یکی طالبلرک چوق یاقین دوستلرینک حاضرلادیفی مختلف مزملر وسائره صیرالانور. حوض کوثر، یکی باشند طولار. ساقیلر، ذاکرلر یرلرینی اشغال ایدر. طالبلر طیشاری، چیقار. کفنی آچارلر. « غیرت کمرین » قوشانوب کلیرلر. آشجی نک معاونلرندن ایکی کیشی برصیریفه بر قوربان طاقوب اوموزلایه رق میدانه کلیرلر. آشجی، دده یه نیاز ایدوب پیشیرمکه مساعدده ایستر. دده قوربانیاوقور: — حق برکاتی ویره. خدمتک قبول اوله. نامرده، منکره نصیب اولیه! دیر. کوتورولور. قوربانک هیچ برکیکی قیریلادن هر عضو کندی مفصلندن آیریلق شرطیله پارچالانور. قوربانک سقطاتی وزواندی، قانی یره آتیلماز وداملاتیلماز. بونلر طالبک اویسک « منزله » بر کنارنده او آقشام کوتورولوب اولدن حاضرلاناں محل مخصوصه دفن اولونور.

یکی آچیلان محبت میداننک فصل اولی باشلار.

ساقیلکی یکی چفت یاپاققدر. تاجلی باجیارک [سر ساقی] ویردیکی باده لری ارکان داخلنده کوتوروب نیاز ایله دده ارنلره عشق ایدر. تام بو اثناده طالبلرک مصاحبری قوربانک جکر، بوبره ک کبی یرلرندن حاضرلانمش صیجاق قاوورمه

ویا کباب مزه کتیرر. دده ایلك لقمه سنی آلوب ایکنجیسنی رهبره ویرر. اوجنچی لقمه یی (الله محمد علی) ده یوب طالب باجی به دوردنچی لقمه یی اُره انعام ایدر. ساقی باجی باده خدمتی کورورکن آش لری، کولک لری یانلرنده (قوربان انعامی) یوروتور، توزیع ایدر. بویله جه محبت میدانک (تک لهما) سی دوزولورکن ذا کر وساز:

حلال لقمه مؤمن آلندن کلیر مؤمن اولاد حلال بلندن کلیر.

حق ارنلر کرچک کلیندن کلیر مؤمن یولی خنکار ایلندن کلیر.

شاهم علی قنبر دیلندن کلیر

شاهم ولی قنبر دیلندن کلیر

دوره تمام اولدیمی یکی طالبلریر اوپوب، نیاز ایدوب داره طورورلر. بو دوره دن سوکره (۲۰۲) دفعه اسم جلال او قونور. بو (۲۰۲) (رب) ک عدد ابجدیسیدر. و (۱۱۰) دفعه ده «هوا» چکیلیر. (۱۱۰) ده (علی) تک عدد ابجدیسیدر. دقت ایدیلیرسه غریب بر رمز خفی ظاهر اولق: «۲۰۲، ۱۱۰ = رب، علی، چیقار. ایشته قیزیلباش وبکتاشیلرک قولاقدن قولاغه فیصیلدانا ک بویوک ومحرم سری بودر.

حالبوکه (جلال الدین رومی) دیوان کیرنده بونی داها صریح و آچیق سویلر: «علیست جل جلال!»، دیر، چیقار.

اسم جلال و ذکر هو بیتدکن سوکره آرتق هرکس محبتده حردر. بلا تشریفات یکدیگریله مصاحبه ایدیلیر. جیقاره قهوه ایچیلیر. بش اون دقیقه فاصله ویریلدکن سوکره هرکس صفره باشنه کوچر.

.*

صوفیه ارفانی

سوره ک میداننده اشارت ایدلیدیکی کبی باجیلرک اک قدملیسی (چراغ دائم) یاننده اوطورور. چراغ دائم ایسه اوجاغه یوزومزی چویردیکمزه نظراً سول، اوجاغه ارقه ویروب اشیکه یوز چویردیکمزه نظراً (صاغ) موقعنده بولونور.

تورک تورده سنه کوره اوجاغه آرقه ویریلدیکنه نظر آ صاغ یان (تور، *teur*)
صول یان (تور، *eur*) در . تور، خانونک ؛ تور، آرک یری در . بشاء علیه
« تور = *teur* صدر، سریر، تخت مقامنده در .

نورده (پیشگاه) اولسی لازمدر .

بو ایکی کله بی عینی موضع و مقامده شمال تورکجه مزده قوللانیرز . «چهن کیز،
توره چیقدی !» دیمک چهن کیز تخته چیقدی ! دیمکدن باشقه برشی اولماز .
بلکه *touron* = توران کله سی توریان دن مشتق بر کله اوله بیلیر .

le trône = اریکه، سریر، تخت کله سیله تور آراسنده بر وجه مناسبتده

استبعاد ایدیلهمز .

مع مافیه میدانده «چراغ داثم» ک موقعی بو اعتبارله ده بزم مقام صدرک آشیکه
یوز چوریلدیکنه نظر آ صاغ یان اولسنی تأیید ایدر . احوالده دده، خانونک پیشگاهنده
بولونویور ؛ نورده اوطورویور .

صوکره کوروویورزکه، ارکان میدان اناسنده مرکزده بولونان صوفره
باجیلرک ٹوکنه چکیلیور . دده بوسفر یرندن قالقیور، چراغ داثمک یاسه اوطورویور .
اوراده باش تاجلی باجی ددهیه کندی صولنده بر مقام ویریور .

ساقی ده ددهنک صولنده برنجی موقعی اشغال ایدیور .

صوک صوفره ده کی (دم ظرفی) و (باده) غیر شفاف اوله جقدر . (دم)
ددهنک امریله وتک قدحله صونولور .

هر دور بیتدیکه قدح طولی اولارق ددهنک ٹوکنه قونولور .

بر صوفیان محبتده کیمسه جیویق سرخوش اولماز . قدحک قاپالی وغیر
شفاف اولسی بویوک بر تجربه نتیجه سیدر . بر دورده کیمسه یه صونماق اولماز .
فقط ساقی وده ددما نکهباندر .

بعضی محبلره، اولادلره قدح بوش ویریلیر، بوش آلینیر . فقط کیمسه
ساقی نک کیمه نک قادار ویردیکنی وکیمک نه قادار ایچدیکنی فرق ایدهمز . صورت
ظاهرده هر کس ایچر وحدنجه نشته لیدر .

حدینی بیلیمین ، محبت طادینی قاجیران حلقه‌دن طیشاری آتیلیر . بوکا
« طارامق » دیرلر .

بر کره محبت مجلسندن طارانان « جان » یدی محبتدن محروم اولور .
مجلسده مهمان وارسه تاجلی باجی ایله دده‌نک اراسنده اوطوراجقدر . فقط
بو مهمان (اوجاق زاده) یعنی مرشد ، دده زاده اولورسه !

جمعیت کثرتلی اولدیغنه نظراً ساقیلرده یدی ، طوقوز ، نهایت اون ایکی
کیشیلک برر زمزمیه وظیفه الراق توزیع اولونور .

اصل اجتماع شکلی ، دده اطرافنده در . دده صکره ساقی اوطورور یوردی .
صکره صره ایله چراغچی ، میدانچی ، ا کمکچی ، آشچی دده‌لر اوطورور . بونلرک
قارشیلرنده وارسه آش ، کولکه باجیلری ، اونلرده - وفات ویا معذرت طولانیسه
یوقسه کندی زوجه‌لری اوطورور .

آشچی دده‌دن صکره یکی طالبه‌نک آشی ، قارشیسندنه یکی باجی ، اونلک یاننده
قوجه‌سنگ آشی اولان باجی‌نک یری واردر .

داها صکره سازجیلرو قارشیسندنه ذا کره‌لر اوطورور . ساز وذا کره‌متعدایه
حوض کوثرک ایکی یاننده برر سازجی . ایکی سازجینک آراسنده ، اصل سر
ساقی وقارشیسندنه دده « آشی » موقع آلیر .

حوض کوثردن صکره هر « جان » کندی صاغنده قادین اشی اولق اوزره
صوفره‌نک ایکی طرفنده قاریشیق اوطورور .

هر غرویده ده ساز وذا کر بولونه بیلیر .

صوفره‌نک اشیک طرفنده والک منتهاده ده « کوزجی دده » مقامی بولونور .
کوزجی دده اخلاق وانضباطدن مسئولدر . اونک بو خصوصده رأیی دده‌یه بيله
فائقدر . یعنی کوزجی دده دیمک میدانک انضباط دیکتاتور دیمکدر .

محبت صوفره‌سی بو صورتله قورولدقندن صکره دده ، باش کسوب صاغ‌النک
درد پارمنی صول النک اوزرینه وضع وباش پارمقاریله ده صوفره‌نک التندن
طوتار ، اوقور .

— آقشاملر خیر اوله .. خیرلر فتح اوله .. عاقبتلریکنز خیر اوله .. خدمتلیکنز مقبول اوله .. جماللره عشق اوله .. (مهمان وارسه) مهمانلره عشق اوله عشق میدان ارنلرینه هو !

بواننده هرکس ددهنک طوتدینی کبی صوفره یی طوتوب باشلرینی اوکلرینه اکشلمر متهادیا الله ، الله ، الله دیمکده در .

بوکلبنانک بیتدکدن صکره دده ، سازه اشارت ایدرسازجی دیزلرینه موازی یرده طوران سازی . ایکی ایله قاورار ، قالدیرر ، کوکس حذاسنه کتیروب : کوپر- یسندن ، بوغماقدن ، باش پرده دن « الله ، محمد ، علی دهمیه اوچ کره اوپدکدن صکره دده ویا مهمان برنیاز ایله باش کسر ، باشلار :

آچیلدی میدان عرش رحمان

دفع اولدی شیطان ، کوروندی سبحان

سبحانمه هو یزدانمه هو !

پیرم حاجی بکتاش خنکارمه هو !

ملکدر انسان ، تبکردر شیطان

میدانه گیرمه یی اولورمی انسان ،

» » » »

صوفی میداننه اقرار ویره نلر ،

میدانی کوروب عشقله گیره نلر

میدانده کوکلن یره سره نلر ،

حقدر بیلنلر ، کرچک ارنلر

» » » »

جنت جهنم هر یرده واردر

میزان وصراط مؤمنه « دار » در

کورده منکره دنیاده داردر

مومنه اقرار ویرمه مک عاردر

» » » »

نفسی بوتون چالاکی و قدرتیله چالار . نفسی بیتدکن صکره اولکی کبی
سازینی اوچ یرندن اوپر یرینه قور . بوکا « آجیم ! » یعنی فاتحه دیرلر .
ذا کرده یر اوپوب نیاز ایلر . صکره ساقی ، ساقیه متناظراً قالقار . ساقیه نك
صاغ النده قدح صول النی کوکسندە اولارق :

ماشقلرك نه منه [*]

« ارن » لرك دمنه

یورکلری جوشدیران

اوجاق سازك « کم » نه [**]

« یاغ » فی سویلر ، کندی بریودوم آلوب سازك اوکنه دیز جوکر ، سازجی به
صونار ، سازجی ده مرشد ویا مهمانه عرض نیاز ایدوب دملنیر و سازینی آلوب
اوپوب اون ایکی امام مدحیه سنی اوقور . ساقیه ایله ساقی مهمان دیامرشدك اوکنده
دیز چکوب باده صونارلر ، ساز طورور ، ذا کر :

شاه علی کوثرینه طویومی اولور * منکر اوزینه کوثرمی طولار

شاه علیم کوثر ، صوت علیم کوثر * قانه قانه ایچمه یین بغریتی یولور

شاه علیم هو ، جانان علیم هو !

نفسی حقلانیر . دده لر ، دملندکجه محبان : عشق اولسون نور اولسون ایمانم !

دهیه تبریک و تهنیه باشلار . محبان صره ایله وتک قدحله برر طولو دملنیر .

تک دور تمام اولنجه ، سسلری کوزهل اولان ، سازده بهره سی اولانلر برر

نفس ، برر « چیرپیش » ویرر . کوزجی نك مناسب کوره جکی برزمانده ساقی ،

نیاز ایدوب ، « اوچلیه یم می ؟ » دهیه نیاز ایدر ، واقع اوله جق مساعده اوزرینه

ساقیه بر « طولو » آلوب سازه کیدر ، اوکنده دیز چوکوب :

اوچلر عشقنه دملر چکنلر . یولنده قالماز قارا دیکنلر

الله ، محمد ، علی یولنده . یورده کی یاناندن طاشلرده ایکلر

[۰] شَم = علا ج . سعادت ، خلاص معناسنه (دیوان لغات الترك)

[۰۰] کم = یولار ، حیوانی په دهن واسطه .

« آجیم » ی ایله « طولو » یی صونار. اوچ طولو آرقه آرقه یه اوچنجیسندن
صکره ساقی باجی سازی اوپوب قالقار. دوردتجی یی کندی دمنیر. ساقی ده برابر
هرایکیسی دده حضورینه واروب دیز چو کر ، ساقیه باجی :

الله ، محمد ، علی اوچ . اوچی بردر علی اوچ

کوکله برک اولمایان . چکر دمنده پک کوچ

(یاغ) نی نفسانیر . اوچ طولوده دده یه صونار .

صکره محبان صره لانیر . دده ارنلر نفس ایدرب ساقیلری :

— خدمتکز مقبول ، مرادیکز حاصل اوله .. شاه علی نک ساقی کوثری
اوله سکر ! عشق اولسون جماله هو ! دعاسی اوقور . ساقیلر ، یر اوپوب مقامه
اوطورور .

بوئدن صکره ساز وصحبت ایله وقت کچیریلوب دم آلمانز .

صاجلی باجیلردن ، (کوچک آر) لردن سسی کوزه ل اولانلر ، نفس ،
غزل اوقونور . فضولی ، خطائی ، عارف ، مجذوب ، یونس ، شرابی دها بر
چوق معروف ، غیر معروف عاشق ویاساز شاعرلرینک پارچه لری اوقونور. قائلنک
اسمی کچنجه همان باش کیلیلر حرمت اولونور .

اوچر قوتلی طولونک تاثیرلریله مجلسه بر آرز سربستی وشطارت ده کلیر . دده ،
تکلیه لمی ! استمزاجیله نظر ایدر . طبیعی بر الله الله . . . کلبانکیله جواب
حسرت آلیر .

ساقیلر اصولاً برر تک « طولو » ایله صونار . اوچ دفعه ده بوصورتله دور
اولونور. شمعی یه قادار آلتان « جام طولوسی شربت » عددی (۷) یه بالغ اولدی .
دده ومهمان ، آرتق ، سماع طابلیرینه منتظر در . ۷ نجی طولودن صکره ایسته یین
سماعه نامزد اولدیغنی اعلان ایله مرشده باش سالار .

مجبیلر ، یکدیگری « پرواز = سماع » دعوت ورجا ایدر. نهایت « برچفت » ی
« دده ارن » لر میدانه اوقور. بونلر تجربه لی ویاشلی ارکان میداندر. استاد پروازدر.
[سماع کلمه سی یرینه پرواز قوللانیلمسی شایان دقتدر] برارکک بر باجی میداندن

جیقوب خصوصی بر محله کیدر . اوراده صویونه رق بویونلرندن آشاغی [طبقی
حمام پشتمالی کبی] برر آل پشمال قوشانوب میدانه کلیرلر . اشیک اوپوب پیمانچده
داره طورور و طوغری چراغ دائم اوکنه کیده رک دیز چوکرلر . سول قولنی
دیرسکندن بوکوب بوکورلرینه قور و صاغ قوللرینی صاغه ا کری یوقاری
قالدیرلر .

شوصورتله صاغه ا کری ایلریده پرواز باجیسی سول کریسنده پرواز اری
« بوکونمش » [*] بولونورلر .

اورادن قالقوب اوچ بوغماقلی ارکان اولیایه صکره « تحت چراغ » . صکره
قره پوسته عینی اداده نیاز عرض اولونور .

اک صوک مرشده وتاجلی باجیلرده بویله جه عرض اندام ایدیلد کدن صکره
آیاغه قالقارلر . سازجی یرندن قالقوب « قره پوست » ک کریسنه وتحت چراغک
دینه اوطورور . پروازجیلر کیدوب هم قره پوستی همده سازی اوپرلر .

بوسه ره مونی بیتدی می تکرار کلوب یوزلری اوجاغه متوجهاً اوچ آدیم کریده
آیاقدن طورور . باجی صاغ، ار صوانده . باجی نک صاغ، ارك سول آلی تام قولتوق
آلته کله جک وجهله بوکولور . باجی نک سول، ارك صاغ قوللری یوقاری قالقار .
اوراده باش پارمقلا بر (لا) تشکیل ایدر رک طوتولور . بوکا « برلر پروازی »
دینیر . ساز باشلار :

تکدر الله ، یکدر الله

مؤمنلره یه کدر الله !

دوشونمه یک ای عاشقلر

یورکلرده بر کدر الله

تکدر الله یکدر الله

مؤمنلره یه کدر الله

[*] بوکونمک = دیز چوکمک .

میدانی بیلمز احمقدر	معراجی مؤمنك حقدر
کوکله کوکده اوچقدر	کوکل سرین بیلنله
تکدر الله . . .	
علی در اول اړک یری	اون ایکی امامك یری
قالیر بویولده پک کری	برلکندن اوزاق قالان
تکدر الله . . .	
اوچار دهین هپ دونکدر	اوچار کوکلرده ملنکار
انسان اوندن نیجه بکار	ملکدردر کلنکار
یازیق دگلی آمکدر	بوشه کیدر هپ دیله کلر
تکدر الله . . .	
اوچار چیچک چیچک چیچک	ایشته بومیدانده ملک
اوچاغه وارده لم بیلک	هو دیکنز ملکلره
تکدر الله . . .	
دائم اوله بو پروازم	(عارف) کوکلدن نیازم
بومیدانه اولماز تازم	قیر یلماسین آله سازم
تکدر الله . . .	

«دستور» یخی ترنم ایدر. پروازجی لړک کندیلرینه مخصوص اولدجه هنرلی
برسیری واردر. فقط هر خطوه آتیشلرنده و دونوشلرده دائما صاغ آياق صولک
اوجنه بردفمه دکر.

میدان محبتك «جان» لری برهیجان بروجدایله بوسماعك آهنگ روشنه مجلوب
وحیران «علیم هوا! علیم هوا!» ته مپوسيله اویارلر. وجودلرك صاغه وصوله انحنالری
برسلام پرواز تلقی اولونور. هر خطوه بر (مهرپا) ایله سریع برچلمه دن چیقار.
یوزلر اوجاقدن آیریلز. کوزلر چراغ دایم دن دونمز. اشیکه قادار کری، اوجاغه
اوج آدیم قدر ایلری. صاغه، صوله برسیری منحنی ومنکسر. «تکدر الله»
نقراتی ایلری، کری حرکتی تسریع ایدر. آياقلر، مهرلنیر کن وچلمه دن چیقار کن

زمینده اوچ سس بردن چیقار .

« آتقرملی » اولدینی سویانن « عارف » ک « تک پرواز دستوری » [*] جدآ
تدقیقه دکر برفکردر . بزه قیزیلباشلقده مسلاک ، مذهب ، مشرب نامنه برفکر
افاده ایدمبیلیر . الله ، انسان ، ملک ، ایمان ، دنیا ، آخرت ، جنت ، جهنم حقند
صریح برر فکر ویره بیلیر .

سازه علیم هو ! « دمیہ کسنجه ، پروازلر ! [کندی تعیرلری] چراغه
نیازدن صکره داره طوروب ددمیه توجه ایدر .

دده — عشق اولسون ، عاشقلمه پروازکز مشق اولسون ، معراجکز حق
اولسون ! شناسی ایدر . ساقیلر ، همان قالقاربرر طولو صونار وصره ایله جماعتده
ویریلور . پروازدارلر اوطوردقدن صکره ساز ، نشه لی بسته وکفته لرله تنشیط
قلوبه چالیشیر .

کاه صحبت مولا ، کاه صحبت حیدر ایله کچن بش اون دقیقه دن صکره باش
تاجلی باجی دده دن اوچلر سماعی = پروازی دیلر . بو حقه ده اونکدر . بوسفر
دده نک مساعدده سی وباش تاجلی باجی نک اشارتیه اوچ صاچلی باجی (تازہ ، یکی
میدان کورمش باجیلر دیمکدر) چیقار . پشتمال قوشانوب اشیکه نیاز ایله میدانه
کیررلر . ساقیه قالقوب اونلرده بر (پیمانه) صونار . اوچلردن بریسی سازه ،
دیگر ایکسی دده وباش تاجلی یه برر (طولو) اکرام ایله نیم عریان بر ساقیلک
ایدرلر .

برنجی چفت کبی چراغ دائم وقره بوسته اصولی وجهله نیاز ایدوب پروازه
حاضر اولورلر . ساز ، ینه تحت چراغک دیدنه چوکر :

اول بهار اوچ آیلری دوغونجه	هپ عاشقلمه اسیره یوب [*]	جوشارلر
(عارف) اولان معنا آلیر سوزمدن	حیوان اولان قارنی طویار میشیلار	
صباح قالقدم دوندم یونیمی حقه	حق محمد علی بی کوریم دمیو	

[*] پرواز = سماعلرده اوقونان نفسله « دستور » دینیر .

[**] اسیره یوب = مست ، سر خوش اولوق .

دنیا مشغلندن چکدم الیمی
یول اوغلی کامله یواش اولمغه
دورت دیوارک بناسنی بولمغه
برکامله یولداش اولایم ده یو
[۰]
آرام اوسته سنی بولایم ده یو

* *

چیقارمش قوللرینی آغجه بیلکله
کوک یوزنده پرواز دوزملکله
قرق قوناقلقیری قوشلقده آلان
بوتون انبیای قلینده بیلن
هو دیه لم قبول اولسون دیله کلر
بودردک درماتی سندن ایسترم
داری چیت اوستنده نمازی قیلان
بودردک درماتی سندن ایسترم

بسته سنی چالمغه باشلار. اوچلر سماعنده اوچلر بربرینک بللرینی قاوارار. صاغ
قوللر، صاغه اگری یوقاری قالقار. (برلر پروازنده) اولدینی کبی یوزلر اوجاغه
متوجهاً عینی اصولده حرکات رقصیه اجرا ایدر. صاچلرک اورکولری وارسه
جوزولمک اصولدندر. اوچلرده «ادب وارکان تمام ایدوب» محللرینه اوطورورلر.
وساقیلرده خدمتلرینی کورورلر.

برمقدار صحبت ایدیلیر.

سازجی قالقار. (چراغ دائمه) عرض حاجات ایدر. (قرقلر پروازی)
دیلم. دده، وارسه، مهمان بویوروق ایلم. محبان قرقلر سماعنه حاضر اولور.
پرواز طالبلری (۲۱) دن دون ۳۹ دن افزون اولماق اوزره دیله یین کیدوب
صویونوب کلیر. باجیلرک اک قدملیسی چراغ دائم ثوکنده؛ ارلرک اک قدملیسی
(اشیک قدمده) قارشیلقلی ایکی صف دیزیلیر. ساز، ذا کر، ساقی (عریان) لر
میاننده در. بو آقسام میاننده نصیب آلان اش وکولکلر پروازه اشتراک ایتمز.
اونلرک پروازه اشتراک ایده بیلملری ایچین (اوج محرم آتلامه لری) لازمدر.
بونیم عریان صفلر، عریان ساقیلر طرفندن دملنیر. هرکس آیاقده در. ساز
وذا کرلر (تحت چراغ) گوشه سنده بردار باشلارلر.

قرقلرک یدیلرک ایچدیکی طولودن برسن ایچسه بریجک بکا ویرسهک
 آل آله ، آل حقه کیده ریر بولور طوتدیغم آلدن دونم نه دیرسهک
 جمله دن جمله یه طولاشان سری سن ده آکلار سک بویوله کیرسهک
 کچدک بوجاندن دیداره ایردک عاشق اولوب ده دیداره ایرسهک

محمد معراجده علی یه یتدی

فاطمه سویلر بوسری «آر» سهک

بوراده بک واضح اکلا یورزکه (یول فلسفه سی) تماميله آچقدرد. بو «دستور»ک
 مابعدی ده واردرد. تنبیت اولونه مامشدر. پراوزک قرقلر دور اولدقده هیجان بخش
 برحالت یوقدر. (برلر) (اوچلر) سماعلری اولدجه آهنگساردر. قرقلر پروازنده
 هرکس یرنده. بر (مهربا) ، (برچلمه) ایله صوله حرکت ایدر. اللر ، باش
 یارمقلرک تشکیل ایده جکی (لا) شکلنده طوتولور. کوزجی اشیکده ، دده اوچاق
 اوکنده ثابتدر. اک قدملی باجی (دستور) سازی بتینجه یه قادار اشیکه قادار
 واورادن دونوب چراغ اوکنه قادار بردور یاپار (دوران پرواز) اکال ایدیلیر.
 وته مپو ده کیشیر :

معراج اوچاغی ، قرقلر بوجاغی

آچش ملکر سکا قوجاغی

نورم علیدن ، خنکارم ولیدن

آلدق بوسری ، آچدق بوقاغی

(عین جم محبانی) یک آواز اولارق اوقور ساز دوام ایدر. محبانک کثرته
 کوره قوللر وجودلری قوجاقلایارق سریع مهربا وچلمه لرله اوچ دور یاسیلیر.
 آرتق خاتمه آییندر. هرکس یرلی یرینه اوطورور. هرکس مقابلنده کنک
 (آشینک) (وجهنه) نیاز ایله :

— «معراجده جمال کوردیم ، عشق اولسون ایمانم!» دیه تهیه وتبریک ایدر.

*
 *

«لقمه» امر اولونور.

بو ائناده هر کس البسه سنی کینوب یرلی یرینه کمال ادب و سکونتله اوطورور.
آرتق هیچ سس یوق . بر سکوت تام .

سحر چاغی باشلامش . خروسلر اوتوشور . کویک، محیطک خماری آییلیر کن
غیرت کمری قوشانان قوربان صاحبیری چوربارلی کتیرر . هر جانک اوکنده
قاشیقارک ایچی یره کلک اوزره دیزیلیر .

باش تاجلی باجی : باسم شاه ! افتتاحیله پارمغنی طوزه سوروب دیلنه چالار .
صوکره دده صوکره ساقی ، مهمان ... عین جم ارنلری . دده صوفره یه نیاز
ایدوب برکتله ، باسم شاه ! دیر . ایکی فرد بردن قاشیغنی کاسه یه اوزاتمز ؛ هر کس
صره ایله . یمکده ایکی آل بردن صونولمز ، صره ایله .

اک شایان دقت مسئله قوربان ائتک توزیعی در . خاطرده در که قوربان کیسکری
پارچالانمادی : آیریلدی . شو صورتله هر عضو مستقل برات کومه سی حالنده در .
بو اقشام نصیب آلان قادین قوربانک دوشارینی باش تاجلی نک اوکنه کتیرر
قویار .

أشی ده قوربانک باشیله قویروق صوقومنی دده نک اوکنه قور .
صاغ قول چراغچی یه ، صول قول أش باجیسنه ، صاغ بوط میدانچی یه ، صول
بوط أش باجیسنه ، صاغ کوره ک کمکچی یه ، صولی أش باجیسنه ، صاغ قبورغه
آشچی یه ، صولی أش باجیسنه ؛ صاغ اویلوق ساقی یه ، صولی أشه ، بونی کوزجی یه ،
صاغ اویلوق سازجی یه ، صول اویلوق ذا کره توزیع اولونور :
اونلرده برر نیاز وتشکر ایله برر لقمه آلاراق یالکز أش باجیلرینه اکرام
ایتدکن صوکره آشچی یه اعاده ایدر . آشچی ده مناسب وجهله صوفره لره پایلار .
حلوا کلیرکن باش تاجلی باجی قائماً قبول ایدر . اقشامکی چفتلره رهبرک
ایدن ذات حلوایی کتیرر . باش تاجلی باجی برلقمه آلوب رهبره انعام ایدروبرده
مرشده . مرشد دده دعا ایدوب رهبره اعاده ایدر . اوده آشچی یه ویرر . اوده
هر کسک نصیفی توزیع ایدر .

ختم حلوا صفره ختامیدر. دده وعین جم ارنلری (ألفی) صفره نك كنارینه
اركانيله ياديشوب :

— پيشيرنلر، قورتارانلر، كتيره نلر ، کوتورنلر شاه علی صفره سندن يه سين.
اللى درد كورمه سين ،....

كلبانكىله ايشى اكال ايدر .

قهوه يي ده يكي مؤمن لر توزيع ايدر . بلكه اورته لق آغارمغه باشلامشدر ..

•••

دده قالقار . مقام ارشادته اوطورور . درحال رهبر طالبلرينى قالديرر .
پيمانجه ده داره طور دورير . ساز وذا كرلر اون ايكي امام مدحيه سنى تكرار ايدر .
دده — الله الله باسم شاه .. عين جم ارنلرى معراج وديدار كوردك . نور .
ايمان كوردك . اوطوران ، طوران .. كوكلنى پاك طوتان غيتسز اوينه وارن
برمراد اوله . كرچكه هو !

آرتق هر كس كندى اشيله دده يه نياز ايدوب كرى كرى كيده رك صره ايله
اشيكه باصماقسنزين قبودن چيقار .

نوتجى كوزجيله ده بررباش كسوب غيتسز وپاك كوكل ايله اولرينه دونرلر .
بو آقشام نصيب آلان اش و كولكه لرى (ميدان اولياده) مرشده مهمان قالير
ودارك خدمتى تمامه يتيروب وحدته (اويقويه) جكيلرلر .

بها سعيه